

歷朝名人詞選

歷朝名人詞選卷六目次

小令

小闌干 三首

城頭月 一首

梁州令 一首

西江月 五首 又名步虛詞 白蘋香

滿宮花 一首

留春令 一首

月中行 一首

惜分飛 二首

少年遊 三首

望江東 一首

青門引 一首

尋芳草 一首 又名王孫信

迎春樂 一首

醉紅粧 二首

醉花陰 三首

風蝶令 六首 卽雙調南歌子 又名望秦川

浪淘沙 七首 又名賣花聲 過龍門

雨中花 一首

戀繡衾 一首

杏花天 一首

雙調望江南 二首

鷓鴣天 七首 又名思佳客

芳草渡 二首

雙調南鄉子 三首

明月棹孤舟 一首 卽夜行船 雨中花令

鵲橋仙 六首

玉樓春 二首

木蘭花 一首 又名春曉曲

瑞鷓鴣 一首 又名舞春風

虞美人 三首

一斛珠 二首 又名醉落魄

踏莎行 三首 又名柳長春

惜分釵 一首

小重山 一首

歷朝名人詞選卷六

清綺軒原本

華亭夏秉衡選

小令

小闌干

感舊

元 薩都刺

去年人在鳳凰池。銀燭夜彈絲。沈水香消，梨雲夢暖，深院繡簾垂。
今年冷落江南夜，心事有誰知。楊柳風柔，海棠月澹，獨自倚闌時。

秋行

本朝 李天馥

千林落葉馬蹄紅。暮靄捲晴空。平蕪衰草，蒼茫無際，山色夕陽中。
黃花滿目秋光冷。遠磬咽西風。向晚人家，池塘清淺，流水碧溶溶。

遊示應庵

陳 嘯

雛鶯嘲我太多情。煙雨窟中行。白恰潛夫，青衫狂客，覓箇水雲僧。

更憐空谷幽人在。移贈國香清。料得瓊漿煎成蟹眼。冷帶竹松聲。

城頭月

本意

本朝龔翔麟

女牆只好高於柳。魚菜輕雲覆。鈎樣新蟾。今宵恰喜繫纜溪城口。冷香飛上。傳杯手。醉底沈吟久。試喚推蓬。青銅鏡裏一片紅衣皺。

梁州令

送別

宋晏幾道

莫唱陽關曲。淚濕當年金縷。離歌自古最銷魂。于今更有銷魂處。南橋楊柳多情緒。不繫行人住。人情卻似飛絮。悠揚便逐春風去。

西江月

平山堂

宋蘇軾

三過平山堂下。半生彈指聲中。十年不見老仙翁。壁上龍蛇飛動。

欲弔文章太守。仍歌楊柳春風。休言萬事轉頭空。未轉頭時皆夢。
春夜

照野瀾瀾淺浪。橫空曖曖微香。障泥未解玉驄驕。我欲醉眠芳草。
可惜一溪明月。莫教踏碎瓊瑤。解鞍欹枕綠楊橋。杜宇數聲春曉。

佳人

司馬光

寶髻鬆鬆挽就。鉛華淡淡粧成。紅煙翠霧罩輕盈。飛絮遊絲無定。
相見爭如不見。有情還似無情。笙歌散後酒微醒。深院月明人靜。

山居

元王行

向暖漸生慵思。尋春似減情歡。酒懷詩興總慙慙。只有看山不厭。
薄晚正須憑檻。新晴鎮日鈎簾。幾多濃翠曉來添。說與白雲休占。

春恨

本朝尤侗

燕子不歸繡戶。畫簾空鎖斜陽。春風吹夢到池塘。芳草對人惆悵。

楊柳掛愁百尺。杜鵑啼淚千行。晚來特地倚紗窗。爲問落花無恙。
滿宮花

宮詞

五代尹鶚

月沈沈。人悄悄。一炷後庭香。裊。風流帝子不歸來。滿地禁花慵掃。
離恨多。相見少。何處醉迷三島。漏清宮。樹子規啼。愁鎖碧牕春曉。

留春令

春暮

宋李之儀

夢斷難尋酒醒猶困。那堪春暮。香閨深沈。紅窗翠暗。莫羨顛狂絮。
綠滿當時攜手路。懶見同歡處。何時卻得。低幃昵枕。盡訴情千縷。

月中行

閨情

宋周邦彥

蜀絲趁日染乾紅。微暖口脂融。博山細篆。房櫳靜看。打聽蟲愁。

多膽怯疑虛幙聲不斷暮景疎鐘團圍四壁小屏風淚盡夢啼中
惜分飛

春閨

宋 陳允平

釧閣桃腮香玉溜困倚銀牀倦繡雙燕歸來後相思葉底尋紅豆
碧唾春衫還在否重理弓彎舞袖錦藉芙蓉縐翠腰羞對垂楊瘦

紅豆

本朝 趙炎

開盒愁將紅豆數滋味應知帶苦泥裏休拋取怕他生作相思樹
珠淚何年頻化妝顆顆盤中不住欲付黃鶯去天涯脚向多情處
少年遊

別情

宋 周邦彥

并刀如水吳鹽勝雪纖指破新橙錦幄初溫獸香不斷相對坐調笙
低聲問向誰行宿城上已三更馬滑霜濃不如休去直是少人行

閨情

明
馬浩蘭

弄粉調脂梳雲掠月。次第曉粧成。鸚鵡籠邊鞦韆牆裏半晌不聞聲。
原來恰在瑤階下。獨自踏花行。笑摘朱櫻微揜翠袖枝上打流鶯。

江景

本朝
董俞

白蘋古渡丹楓遠寺。好景正深秋。暮嶺重重寒霞片片江路去悠悠。
羈遊汗漫星霜換。回首不勝愁。漁市歌殘柳橋人散涼月伴孤舟。

望江東

懷人

宋
黃庭堅

江水西頭隔煙樹。望不見江東路。思量只有夢來去。更不怕江闌住。
燈前寫了書無數。算沒箇人傳與。直饒尋得雁分付。又還是秋將

暮

青門引

春思

宋張先

乍暖還輕冷。風雨晚來方定。庭軒寂寞近清明。殘花中酒。又是去年病。樓頭畫角風吹醒。入夜重門靜。那堪更被明月隔牆送過鞦韆影。

尋芳草

憶內

宋辛棄疾

有得許多淚。更閒卻許多鴛被。枕頭兒放處都不是。舊家時怎生睡。更也沒書來。那堪被雁兒調戲。道無書卻有書中意。排幾箇人人字。

迎春樂

鬪草

本朝湯傳楹

展屏山自勸尋春駕。梳掠好將愁謝。鄰家姊妹閒貪耍。執手去茶蘼

架。卜鬪草。誰行蚤。嫁私禱。向海棠花下。一霎小鬟羸。著揉翠。喃喃罵。

醉紅粧

勸酒

宋張先

瓊林玉樹不相饒。薄雲衣。細柳腰。一般粧樣百般嬌。眉眼秀。總如描。東風搖草雜花飄。恨無計。上青條。更起雙歌郎。且飲郎未醉。有金貂。

午日

本朝王暉

單衫鮮似杏紅嬌。畫裙輕。稱細腰。篆符斜向玉釵搖。分昌歎。和香膠。蘭湯浴罷倦無聊。倚苔石。弄瓊簫。製得守宮羞。不點明日驗。怕全消。

醉花陰

重陽

宋李清照

薄霧濃雲愁永晝。瑞腦銷金獸。時節又重陽。寶枕紗廚。半夜涼初透。
東籬把酒黃昏後。有暗香盈袖。莫道不銷魂。簾捲西風。人似黃花瘦。

春景

本朝曹爾堪

烘桃熨柳春方縱。紅雨花梢重。風日近清明。幾片榆錢。都是鶯兒俸。
冷煙堆徑和誰共。苔補閒階空。杜宇莫頻啼。不喚人歸。只喚三更夢。

秋飲

丁燁

開遍葵榴苔院靜。有客來芳徑。揮塵話山遊。好語蟬聯。忘卻花釭冷。
薄霧濃雲秋未醒。做雨催詩興。卷幔且留連。聲在桐飈。葉葉都堪聽。

風蝶令

美人

宋 歐陽修

鳳髻金泥帶。龍紋玉掌梳。去來牕下笑相扶。愛道畫眉深淺。入時無
弄筆。俚人久。描花試手初。等閒妨了繡工夫。笑問鴛鴦兩字。怎生
書。

春景

張 炎

葉密春聲聚。花多瘦影重。只留一路過東風。圍得生香不斷。錦薰籠
月地。連金屋。雲樓瞰翠蓬。惺鬆笑語。隔簾櫳。知是誰調鸚鵡。柳陰
中。

春暮

石孝友

亂絮飄晴雪。殘花繡地衣。西園歌舞驟然稀。只有多情蝴蝶。作團飛
舊事深琴怨。新愁減帶圍。倚樓凝望更依依。怕見一天風雨。捲春

歸

閒步

趙 攄

澗草萋萋綠。林鶯恰恰啼。汀沙過雨便無泥。換得芒屨隨意到前溪。浦漱渾堪畫。雲煙總是題。江湖老伴一簑衣。眞箇斜風細雨不須歸。

歸

鬪草

毛奇齡

喜摘惟紅豆。難攀是白榆。百花亭外展氍毹。藏得宜男臨賽又躊躇。綃帕銷藤刺。紺欄解露珠。朦朧卻把翠鈿輸。暗揀花枝插補髻邊虛。

秋曉

魏學渠

月落青苔院。風過赤葉樓。香凝繡幄下簾鉤。正是獨眠人起不梳頭。景物經秋淡。心情到別柔。梧桐一葉露新流。昨夜燒香鈿合未曾

收

浪淘沙

懷舊

五代

李後主

簾外雨潺潺。春意闌珊。羅衾不耐五更寒。夢裏不知身是客，一餉貪歡。獨自莫憑闌。無限江山。別時容易見時難。流水落花歸去也，天上人閒。

懽飲

宋

歐陽修

今日北池遊。漾漾輕舟。波光瀲灩柳條柔。如此春來春又去，白了人頭。好妓好歌喉。不醉無休。勸君滿滿酌金甌。縱使花前常病酒，也是風流。

重九

蔣捷

明露浴疎桐。秋滿簾櫳。掩琴無語意忡忡。搗破東窗窺皓月，早上芙蓉。

蓉。前事渺茫中。煙水孤鴻。一樽重九又成空。不解吹愁吹帽落。恨殺西風。

春雨

元 蕭漢傑

濕逗晚香殘。春雨春寒。洒窗填戶著幽蘭。慘慘淒淒仍滴滴。做出多般。和叢撒珠盤。棲上更闌。芭蕉怨曲帶愁彈。綠遍堦前苔一片。曉起誰看。

閨思

明 顧仲從

生小弄冰絃。未撥先憐。濕鶯嬌燕語春煙。一點幽情傳未得。殘月窺簾。銅雀鎖嬋娟。驚數流年。小桃牕下背花眠。誰唱西陵腸斷句。夢到君邊。

旅夜

本朝 宋 琬

風雨十分驕。怒似江潮。愁來我欲睡鄉逃。促織多言偏不允。枕畔叨

叨。強半客僧寮。琴劍蕭條。一枝難穩。愧鷓鴣來歲。西窗須記取。莫種芭蕉。

春暮

周稚廉

把盞餞東君。綠皺紅顰。爲春憔悴不憎春。嬌鳥避風翻葉底。狼藉花
裊。細雨濕香塵。柳魄梅魂。今年花伴去年人。只有心愁如織錦。別
樣翻新。

雨中花

春暮

宋程垓

聞說海棠開盡了。怎生得夜來一笑。嚙綠枝頭。落紅點裏。問有愁多
少。小院閉門春悄悄。禁不得瘦腰如裊。荳蔻濃時。茶蘼香處。試把
菱花照。

戀繡衾

春晚

宋 陳允平

細桃紅淺柳褪黃。燕初來宮漏漸長。任日轉花梢也倚蘭屏猶未試粧。秦鸞舊曲無心理。憶年時相傍採桑聽綠樹嬌鶯。轉一聲聲都是斷腸。

杏花天

明妃

宋 周 密

漢宮乍出慵梳掠。關月冷玉沙飛幕。龍香撥指春風弱。一曲哀絃謾托。君恩薄空憐命薄。青塚遠幾番花落。丹青自是難描摸。不是當時畫錯。

雙調望江南

舟行

宋 王 淇

江南岸。雲樹半晴陰。帆去帆來天亦老。潮生潮落日空沈。南北別離

心興廢事千古一沾襟山下孤煙漁市遠柳邊疎雨酒家深行客
莫登臨

鄉思

本朝丁煒

春去也芳草望中連疊疊濃雲堆恨水絲絲弱柳織愁煙人對夕陽
天南鴈杳錦字向誰傳臘鳳檠前家似夢銀虬箭裏夜如年清淚
濕紅綿

鷓鴣天

春行

宋辛棄疾

著意尋春懶便回何如信步兩三杯山纔好處行還倦詩未成時雨
蚤催攜竹杖更芒鞋朱朱粉粉野蒿開誰家寒食歸甯女笑語柔
桑陌上來

東陽道中

撲面征塵去路遙。香篝漸覺水沈消。山無層數周遭碧。花不知名分外嬌。人歷歷。馬蕭蕭。旌旂又過小紅橋。愁邊剩有相思句。搖斷吟鞭碧玉梢。

佳會

晏幾道

綵袖殷勤捧玉鍾。當筵拚卻醉顏紅。舞低楊柳樓心月。歌盡桃花扇底風。從別後。憶相逢。幾回魂夢與君同。今宵剩把銀釭照。猶恐相逢是夢中。

離別

闕名

鎮日無心埽黛眉。臨行愁見理征衣。樽前祗恐傷郎意。閣淚汪汪不敢垂。停寶馬。捧瑤卮。相斟相勸忍分離。不如飲待奴先醉。圖得不知郎去時。

初夏

本朝
魏學渠

荷葉如錢貼野塘。梧桐新乳晚風涼。口噙紅豆無端恨。手摘青梅別樣香。嫌小婢。怨檀郎。低持紈扇盡思量。流螢幾點牆頭過。樹影參差。月半牀。

西村書屋

張逸

徑僻居然似灑西。一椽斜抱浣花溪。庭籠高樹重重暗。簷湊新篁恰恰齊。窗樣小。塔痕低。嬌鶯穿柳燕尋泥。簞清几滑敲棋冷。竹裏班鳩自在啼。

楊花

陳鶚

軟襯流黃碎貼衣。生成薄倖怨春遲。如塵似夢東風簸。有影無香淡月篩。紫燕壘。綠萍池。年年流落幾曾歸。白頭猶自無拘管。儂作天公不放飛。

芳草渡

秋懷

五代馮延巳

梧桐落。蓼花秋。煙初冷。雨纔收。蕭條風物正堪愁。人去後。多少恨。在
心頭。燕鴻遠。羌笛怨。渺渺澄波一片。山如黛。月如鈎。笙歌散。魂夢
斷。倚高樓。

雙調南鄉子

重陽

宋蘇軾

霜降水痕收。淺碧粼粼露遠洲。酒力漸消風力軟。颼颼。破帽多情卻
戀頭。佳節若爲酬。但把清樽斷送秋。萬事到頭都是夢。休休。明日
黃花蝶也愁。

春暮

本朝梁清標

深院雨簾纖。燕子飛來故傍檐。清晝困人無氣力。酣酣。淺暈腮痕印
枕函。新樣剪輕衫。獨坐凝粧倚鏡奩。聞道春風將暮也。厭厭。開盡

桃○花○不○捲○簾○

閨情

丁 彭

柳○色○半○紅○樓○漫○捲○湘○簾○不○上○鈎○故○說○日○長○針○線○懶○羞○羞○偷○把○鴛○鴦○繡○
枕○頭○約○伴○踏○青○遊○飛○絮○流○鶯○倍○惹○愁○歸○去○小○姑○春○未○語○啾○啾○閒○語○
窗○前○絮○不○休○

明月掉孤舟

卽事

本朝 汪 森

湖○上○數○峯○浮○遠○翠○映○波○光○斷○霞○如○綺○幾○點○鷗○沙○半○灣○蘆○雪○也○許○釣○船○
閒○繫○白○板○扉○前○何○處○是○小○橋○西○柳○陰○隨○憩○持○得○谿○魚○換○來○村○酒○一○
醉○不○須○重○計○

鵲橋仙

七夕

宋 秦 觀

織雲弄巧。飛星傳恨。銀漢迢迢暗度。金風玉露一相逢，便勝卻人間無數。柔情似水，佳期如夢，忍顧鵲橋歸路。兩情若是久長時，又豈在朝朝暮暮。

旅況

元滕賓

斜陽一抹，青山數點，萬里澄江如練。東風吹落橈聲，遙又喚起寒雲一片。殘鴉古渡，荒雞村店，漸覺樓頭人遠。桃花流水，小橋東，是那箇柴門半掩。

漁父

闕名

一竿風月，一簑煙雨，家在釣臺西住。賣魚生怕近城門，況肯向紅塵深處。潮來解纜，潮平舉棹，潮落放歌歸去。旁人錯比做嚴光，自是無名漁父。

清明

本朝董俞

鶯聲似曲。花光如醉。玉漱波紋微皺。亂煙苦雨。近黃昏。又醞釀。清明時候。迢迢客夢。厭厭酒病。小院坐殘銀漏。情知薄倖。不歸來。猶是。把繡衾。薰透。

七夕

許纘曾

雲疎月淡。橋成何處。應是鵲多烏。少人閒。夜夜共羅幃。只可惜。姻緣易老。經年恨別。秋初歡會。此夕雙星怕曉。算來若不隔銀河。怎見得相逢最好。

並頭蘭

陳鶴翔

銀河月淺。雕闌風細。半浸霞枝煙朶。堦前姊妹。晚粧餘笑。一樣雲鬢。斜暉。香黏並枕。羞堆重靨。照著三更螢火。懶將獨夜。學嫦娥。只合配雙星。顯顯。

玉樓春

春恨

宋晏殊

綠楊芳草長亭路。年少拋人容易去。樓頭殘夢五更鐘。花底離愁三月雨。無情不似多情苦。一寸還成千萬縷。天涯地角有窮時。只有相思無盡處。

春景

宋祁

東城漸覺風光好。穀皺波紋迎客棹。綠楊煙外曉寒輕。紅杏枝頭春意鬧。浮生長恨歡娛少。肯愛千金輕一笑。爲君持酒勸斜陽。且向花閒留晚照。

木蘭花

留飲

元劉因

未開常探花開未。又恐纔開風雨至。花開風雨不相妨。爲怎不來花下醉。今年休作明年計。明日已非今日事。春風欲勸坐中人。一片

落紅當眼墜。

瑞鷓鴣

閨情

宋賀鑄

月痕依約到西廂。曾羨花枝拂短牆。初未試愁。那是淚。每渾疑夢。奈
餘香。歌逢嫵處。眉先嫵。酒半醒時。眼更狂。閒倚繡簾吹柳絮。問人
何似冶游郎。

虞美人

贈妓

宋何棗

分香帕子揉藍膩。欲去殷勤惠。重來約在牡丹時。只恐花枝相妬。故
開遲。別來看盡閒桃李。日日闌干倚。催花無計問東風。夢作一雙
蝴蝶。遶芳叢。

隱居

元王行

黃花翠竹臨溪處。正是幽人住。不嫌拄杖破蒼苔。便道有時煙雨也。須來。隔簾塵土紛紛起。久厭襄陽市。若能招我作西隣。從此一溪春水兩家分。

晚步

本朝 顧琦坊

池塘處處連蛙鼓。雨散傳涼午。小鶯啼濕綠陰中。明滅亂流千頃夕。陽紅。炊煙樹裏人家出。釣艇溪頭入。畫橋斜對是高樓。忽地有人和笑下簾鉤。

一斛珠

美人口

五代 李後主

曉粧初過。沈檀輕注些兒箇。向人微露丁香顆。一曲清歌暫引櫻桃破。羅袖裊殘殷色可。盃深旋被香醪澆。繡床斜凭嬌無那。爛嚼紅茸笑向檀郎唾。

吹笛

宋張先

雲輕柳弱。內家鬢子新梳掠。生香眞色人難學。橫管孤吹。月澹天垂幕。朱脣淺破櫻桃萼。倚樓人在闌干角。夜寒指冷羅衣薄。聲入霜林。簌簌驚梅落。

踏莎行

春思

宋晏殊

小徑紅稀。芳郊綠遍。高臺樹色陰陰見。東風不解禁。楊花濛濛亂。撲行人面。翠葉藏鶯。朱簾隔燕。爐香靜逐游絲轉。一番愁夢。酒醒時。斜陽卻照深深院。

題畫

明邊貢

露濕春莎。草生芳甸。漁舟迤邐依山轉。斜光明滅。照村墟綠槐深護。幽人院。小柵鳴雞。古梁巢燕。柴門不鎖蓬蒿徧。問渠莫是。武陵源。

一溪流水桃花亂

村女

本朝 丁 彭

淺碧藏鳩亂紅吹絮疎疎幾陣催花雨小橋一帶種桃花花邊便是
兒家住 近水湘簾幾重春霧鷓鴣聲裏人何處月明偷出浣溪沙
笑將花影同歸去

惜分釵

卽事

明 高深甫

桃花路楊柳渡一見魂驚幾回顧眼青青臉盈盈口邊欲笑齒上吞
聲輕輕 人去也情難捨無限芳心春引惹枕兒單被兒寒愁難擺
脫病害今番看看

小重山

春遊

本朝 毛奇齡

麥壠青青菜壠黃。野棠花滿路。日初長。誰家女伴鬪新粧。蜂來往刺
得口脂香。三五映垂楊。見人還卻步。背方塘。小姑不解斷人腸。看
花落。又看浴鴛鴦。

歷朝名人詞選卷七目次

中調

臨江仙 六首

七娘子 二首

蝶戀花 十三首 卽黃金縷 鵲踏枝 捲珠簾

一剪梅 五首

鞦韆 一首

後庭宴 一首

釵頭鳳 三首

唐多令 四首 又名南樓令

錦帳春 一首

好女兒 一首

繫裙腰 二首

漁家傲 六首

蘇幕遮 六首 又名鬢雲鬆

明月逐人來 一首

似娘兒 一首

踏莎美人 一首

定風波 一首

醉春風 二首 又名怨東風

行香子 四首

獻衷心 一首

風中柳 一首

滯人嬌 一首

歷朝名人詞選卷七

清綺軒原本

華亭夏秉衡選

中調

臨江仙

歸途

宋 石孝友

醉袖吟鞭行色裏。帽簷低處風斜。晚山一半被雲遮。殘陽明遠水，古木集栖鴉。暮去朝來緣底事，不如早早還家。曲屏深幌小牕紗。翠沾眉上柳，紅搵臉邊花。

夜景

李 石

煙柳疎疎人悄悄。畫樓風外吹笙。倚闌聞喚小紅聲。薰香臨欲睡，玉漏已三更。坐待不來來又去。一方明月中庭。粉牆東畔小橋橫。起來花影下，扇子撲流螢。

閨情

闕名

昨夜驚眠梅雨大。枕前牕上頻敲。天明翻覺夢魂遙。起來看女伴。薰袖已香消。雲鎖房櫳煙鎖竹。捲簾水濕鮫綃。菱花低照拂眉梢。玉梳雲髮潤。不喜上蘭膏。

西湖

本朝曹爾堪

萬疊玻璃開曉鏡。畫橈隨處堪停。杏花村渚倚紅亭。遠山平。仲綠幽徑。寄奴青。學士橋邊晞髮嘯。扶筇應到南屏。鶯啼深柳待同聽。仙人吹鐵篴。小妓索銀餅。

有贈

汪鶴孫

昨夜小樓新月皎。隔簾鸚鵡私驚。朝來仙客下蓬瀛。雖然情脈脈。未敢驟卿卿。怕倚羊車人易識。紫衣徐步風輕。懷君一曲暗香生。菊花開正好。閒許抱琴聽。

新婚

吳 騏

傅粉何郎正年少。畫堂簫鼓喧闐。紅蓮燭底見神仙。鈞天疑夢境。今夕是何年。寶鈿檀床羅幙下。湘鈎屨子堪憐。春風吹動鬢雲偏。玉人扶未起。花影到窗前。

七娘子

早秋

宋 毛 滂

山屏霧帳玲瓏碧。更綺窗臨水。新涼入雨短煙長。柳橋蕭瑟。這番一日涼。一日離多綠鬢多時白。這離情不似而今惜。雲外長安斜暉脈脈。西風吹夢來無跡。

絡緯

本朝 錢芳標

轆轤聲斷珠猶滴。酒醒時何處。縲車急軋軋。當廳悽悽。向壁竇家機。時難成匹。疎籬幾朵牽牛碧。分明是便面黃荃筆。歲去年來風朝

露夕鬢絲總被伊催織

蝶戀花

春暮

五代 馮延巳

六曲闌干偎碧樹。楊柳風輕，展盡黃金縷。誰把鈿箏移玉柱。穿簾燕子雙飛去。滿眼游絲兼落絮。紅杏開時，一霎清明雨。濃睡覺來鶯亂語。驚殘好夢無尋處。

春晚

宋 歐陽修

庭院深深深幾許。楊柳堆煙，簾幙無重數。金勒雕鞍遊冶處。樓高不見章臺路。雨橫風狂三月暮。門掩黃昏，無計留春住。淚眼問花花不語。亂紅飛過鞦韆去。

秋閨

晏殊

檻菊愁煙蘭泣露。羅幙輕寒，燕子雙飛去。明月不諳離別苦。斜光到

曉穿朱戶。昨夜西風凋碧樹。獨上高樓望盡天涯路。欲寄彩鸞無尺素。山長水闊知何處。

紅梅

眞德秀

兩岸月橋花半吐。紅透肌香。暗把遊人誤。盡道武陵溪上路。不知迷入江南去。先自冰霜眞態度。何事枝頭點點胭脂污。莫是東君嫌淡素。問花花又嬌無語。

贈妓

秦觀

妾本錢塘江上住。花落花開。不管流年度。燕子腳將春色去。紗窗幾陣黃梅雨。斜插犀梳雲半吐。檀板輕敲。唱徹黃金縷。望斷行雲無覓處。夢回明月生南浦。

送春

朱淑眞

樓外垂楊千萬縷。欲繫青春。少住春還去。猶自風前飄柳絮。隨春且

看歸何處。滿目山川聞杜宇。便做無情莫也。愁人意。把酒送春春不語。黃昏卻下瀟瀟雨。

舞妓

元劉天迪

一翦晴波嬌欲溜。綠怨紅愁。長爲春風瘦。舞罷金杯眉黛皺。背人倦倚晴窗繡。臉暈潮生微帶酒。催唱新詞。不應頻搖手。閒抱琵琶調未就。羞郎還又垂紅袖。

舟行

蕭允之

十幅歸帆風力滿。記得來時。買酒朱橋畔。遠樹平蕪空目斷。亂山惟見斜陽半。誰把新聲翻玉管。吹過滄浪。多少傷春怨。已是客懷如絮亂。畫樓人更回頭看。

訪隱居

凌雲翰

過雨春波浮鴨綠。草閣三間。人住清溪曲。舊種小桃多映竹。亂紅遮

斷松邊屋。有客抱琴穿翠麓。隔水呼舟。應是憐幽獨。歷歷武陵如在目。幾時同借仙源宿。

閨情

明楊基

新製羅衣珠絡縫。消瘦肌膚。欲試猶嫌重。莫信鵲聲相侮。弄燈花。幾度成春夢。風雨又將花斷送。滿地臙脂。補盡蒼苔空。獨自移將萱草種。金釵挽得花枝動。

春景

本朝袁袿

鞦韆牆外紅橋畔。香徑籠雲。零落桃花片。一點芳心如絮亂。繡床斜倚。慵添線。拾翠重來尋女伴。笑摘櫻桃。簾底彈新燕。頻約鴉鬟釵更顫。輕綃微露雙金釧。

閨思

王士禛

涼夜沈沈花漏凍。欹枕無眠。漸聽荒雞動。此際閒愁郎不共。月移牕

罇春寒重。憶共錦衾無半縫。郎似桐花，妾似桐花。鳳。往事迢迢徒入夢。銀箏斷續連珠弄。

閨居

狄億

夏日園居何所事。水閣風軒儘我徜徉耳。倦即高眠醒即起。年來經濟都如此。怪石枯藤饒古意。跣足科頭亦復沾沾喜。小立闌干頻徙倚。閒看水面蜻蜓戲。

一剪梅

客思

宋蔣捷

小巧樓臺眼界寬。朝捲簾看。暮捲簾看。故鄉一望，一心酸雲。又迷漫。水又迷漫。天不教人客夢安。昨夜春寒。今夜春寒。梨花月底兩眉攢。敲遍闌干。拍遍闌干。

閨思

李清照

紅藕香殘玉簫秋。輕解羅裳，獨上蘭舟。雲中誰寄錦書來，雁字回時，月滿西樓。花自飄零水自流。一種相思，兩處閒愁。此情無計可消除。纔下眉頭，卻上心頭。

閨夜

本朝
梁清標

宛宛冰輪上畫樓。聽罷更籌，薰罷衾裯。畫眉人是舊風流。對面溫柔，背面嬌羞。雙結燈花兩意投。一晌低頭，半晌迴眸。玉貌煙冷睡還休。倚了香篝，褪了蓮勾。

春夜

徐 鉉

細雨簾纖自掩門。生怕黃昏，又到黃昏。鴛鴦枕上拭啼痕。多少殘春，斷送青春。紅燭和愁一樣新。剪得三分，減得三分。落花如夢不逢人。未是銷魂，已覺銷魂。

清況

閩秀
賀 潔

髻子鬢鬆掩鏡奩。花也慵拈。香也慵添。倚闌終日病懨懨。風自開簾。月自穿檐。一庭芳草綠鋪氈。紅杏初甜。斑筍初尖。倦扶雛婢望銀蟾。鳥影兼兼。柳影纖纖。

鞦韆紅

梅

闕名

粉香尤嫩。霜寒可慣。怎奈向春心已轉。玉容別是一般閒婉。悄不管桃紅杏淺。月影玲瓏。金隄波面漸細細。香風滿院。一枝折寄故人。雖遠莫輒使江南信斷。

後庭宴

曉行

本朝

李天馥

青杏園林。木樨池沼。流鶯處處人家曉。幽探選勝策珊瑚。香風嘶過。蘼蕪道。天空露淡。飛鴉數點。依稀雲表。孤村野墅時有炊煙遶。一

徑落花深千山遙黛小

釵頭鳳

閨怨

本朝 梁清標

簾櫳悄。流蘇小。薰籠斜倚香還裊。歡方嫩。愁來頓。纖腰非舊。湘裙爭寸。褪褪褪。釵輕掉。梅如笑。銀缸生暈燈花爆。春將近。鴻無信。天涯人遠。金錢難問。恨恨恨。

冬閨

吳綺

燈花滴。爐香熄。屏風靜掩遙山碧。簫誰弄。衾長空。五更簾幙。月明霜重。凍凍凍。閒尋覓。無消息。淚痕冰惹紅綿濕。愁難送。情還種。巫雲昨夜。同騎雙鳳。夢夢夢。

簷馬

錢芳標

呆思畔。風如箭。琮琤戛碎瓊瑤片。深閨靜。嚴更定。簾衣重下。薰籠斜

凭聽聽聽。宵將半。人應倦。雪花攪得宮商亂。梨雲醒。蘭膏剩。錯疑珠勒。怎歸香徑。應應應。

唐多令

旅恨

宋 文天祥

雨過水明霞。潮回岸帶沙。葉聲寒。飛透窗紗。懊恨西風吹世換。又吹我。落天涯。寂寞古豪華。烏衣又日斜。說興亡。燕入誰家。只有南來無數雁。和明月。宿蘆花。

閨思

陳允平

休去採芙蓉。秋江煙水空。帶斜陽。一片征鴻。欲頓閒愁無頓處。都著在。兩眉峰。心事寄題紅。畫橋流水東。斷腸人。無奈秋濃。回首層樓歸去。爛。早新月。挂梧桐。

題畫

明 沈周

聞道灞陵橋。山遙水更遙。六十年蹤跡。寥寥。牖下困人今老矣。雙短鬢。怕頻搔。行著要詩瓢。酒壺相伴。眺望秦川。千里翹翹。再畫一驢馱。我去便不到也。風騷。

雞冠

本朝
宋思玉

獨立倚銀塘。西風納晚涼。看綠葉。仍弄幽芳。露挺高枝。留遠色。明月下。影偏長。芳草怨秋腸。空庭樹色蒼。洗臙脂。一片雲光。疑是五更驚報曉。曾幾度。點寒霜。

錦帳春

閨情

宋
辛棄疾

春色難留。酒盃常淺。更舊恨新愁相閒。五更風千里。夢看飛紅。幾片。這般庭院。幾許風流。幾般嬌嬾。問相見。何如不見。燕飛忙。鶯語亂。恨重簾不捲。翠屏深遠。

好女兒

本意

本朝

汪懋麟

十五芳時梳掠纔宜。終日凝粧，渾未解。但聞裏薰香，窗前傅粉，鏡內修眉。問著佳期不語，紅兩頰，故嬌癡。獨何事，背人閒，刺繡偏。蝴蝶雙飛，鴛鴦比翼，桃李連枝。

繫裙腰

感懷

宋

張先

濃霜澹照夜雲天。朦朧影畫，勾欄人情，縱似長情，月算一年，年又能得幾番圓。欲寄西江題葉字，流不到，五亭前。東池始有荷新綠，尙小如錢。問何日藕，幾時蓮。

咏裙

本朝

陳維崧

滿園草色綠迢迢。都吹上小裙腰。棲鸞宿蝶，風流甚，暗暈紅潮。輕颺

處稱垂髻。有時沈在簾兒底。依稀微露輕綃。隔花繡帶無風轉。淺立春宵。想應拂遍落梅嬌。

漁家傲

漁父

宋謝逸

秋水無痕清見底。蓼花汀上西風起。一葉小舟煙霧裏。蘭棹艤柳條。帶雨穿雙鯉。自嘆直鉤無處使。笛聲吹徹雲山翠。鱗落霜刀紅縷細。新酒美。醉來獨枕簑衣睡。

採蓮

晏殊

越女採蓮江北岸。輕橈短棹隨風便。人貌與花相鬪豔。流水漫時時。照影看粧面。蓮葉層層張綠繖。蓮房箇箇垂金盞。一把藕絲牽不斷。紅日晚。回頭欲去心撩亂。

贈官妓

李石

西去征鴻東去水。幾重別恨千山裏。夢繞綠窗書半紙。何處是桃花溪畔人千里。瘦玉倚香愁黛翠。勸人須要人先醉。問道明朝行也未。猶自記燈前背立偷垂淚。

初夏

明 陳琴溪

初夏風和晴日永。淡煙疎柳湖邊景。一葉水雲深處艇。天未暝。片帆挂破夕陽影。彩徹落霞人半醜。浪花千頃搖金鏡。岸葦汀蒲黃掩映。眠不穩。幾聲野鶴催詩興。

曉發

本朝 吳秉仁

半掩蓬窗天欲曉。星疎漏斷催行早。放櫂中流山月悄。歌聲杳。樹移兩岸閒啼鳥。拚到江南春暮了。春歸何似人歸好。遙憶畫樓閒鬪草。添煩惱。倚闌悶指櫻桃小。

東昌道中

張淵懿

野草淒淒深百尺。遠山一抹晴雲積。午睡覺來愁似織。孤帆直。游絲繞夢飛無力。古渡人家煙水隔。鄉心撩亂垂楊陌。鴻雁自南人自北。風蕭瑟。荻花滿地秋江白。

蘇幕遮

懷舊

宋 范仲淹

碧雲天。紅葉地。秋色連波。波上寒煙翠。山映斜陽天接水。芳草無情更在斜陽外。黯鄉魂。追旅思。夜夜除非好夢留人睡。明月樓高休獨倚。酒入愁腸。化作相思淚。

草

梅堯臣

露隄平。煙墅杳。亂碧萋萋。雨後江天曉。獨有庾郎年最少。翠地春袍嫩色宜相照。接長亭。迷遠道。堪怨王孫不記歸期早。落盡梨花春又了。滿地殘陽。翠色和煙老。

煎茶

明 王世懋

竹床涼。松影碎。沈水香消。猶自貪殘睡。無那多情偏著意。碧碾旗槍。玉沸中冷水。捧磁甌。浮雪乳。色授雙鬢。換覺江郎起。一片金波誰得似。半入松風。半入丁香味。

閨情

本朝 毛際可

早春天。連雨夜。欲寄征衣。幾度裁還罷。肥瘦近來無定也。前歲相偎。記妾腰微窄。寶針連金斗。短尺機頭。襯上生香帕。一色縫成全。沒罇只有啼痕點點。應難化。

玫瑰

陸次雲

賣花聲。聲甚美。叫過街頭。驚醒樓頭睡。買向粧臺呼小婢。道似薔薇。更比薔薇媚。鏡中人。私自擬。妾貌如花。花貌還如你。紫艷斜簪雲鬢墜。暗裏撩人。別有濃香味。

咏梅

張錫燁

雪初晴。香乍坼。碧澗芳叢。早漏春消息。似笑無言如舊識。疎影難描。月下闌干側。壽陽粧。姑射格。自下瑤臺粉黛都無色。夢斷羅浮仙路隔。生怕飄殘。莫更吹橫笛。

明人逐人來

冬閨

本朝 錢芳標

鶯黃罇滿。鷓斑香煖。偏廝稱小樓如繭。瑣窗略啟。斜日煙蕪遠。放入丹青一扇。閒伴冬娘翠袖薰籠靠遍。無人處防閑。幸免剪刀指冷。休更拈針線。賭箇擗蒲消遣。

似娘兒

送友

本朝 曹溶

正是繡衾天。又古塘曲港停船。流光莫使春光變。花鬢無主。柳綿留

恨蝶翅如煙。到處酒家錢。賦閒情，須趁芳年。輕風一任輕帆轉，粉
娥盈路，看他歸去，綠笑紅眠。

踏莎美人

六橋

本朝

顧貞觀

濕翠羣山柔絲幾樹。當年傾國曾來處。前溪溪畔是誰招。覓箇藕花
叢裏暫停橈。煙靄橫空露花如雨。催歸卻訝舟人語。西南風緊上
輕潮。待得月明同倚水仙橋。

定風波

青梅

宋 劉夢得

破萼初驚一點紅。又看青子映簾櫳。冰雪肌膚誰復見。清淺尙餘疎
影。照晴空。惆悵年年桃李伴。腸斷祇應芳信負東風。待得微黃春
亦暮。煙雨半和飛絮作濛濛。

醉春風

春闈

宋 趙德仁

陌上清明近。行人難借問。風流何處不歸來。悶悶悶。回雁峯前。戲魚波上。試尋芳信。夜永蘭膏燼。春睡何曾穩。枕邊珠淚幾時乾。恨恨恨。惟有窗前。過來明月。照人方寸。

閨夜

本朝 吳偉業

眼底桃花媚。羅襪鈎人處。四肢紅玉軟。無言醉。醉醉小閣廊深。玉壺茶暖。水沈香細。重整蘭膏膩。偷解羅襦繫。知心侍女下簾鈎。睡睡睡。皓腕頻移。雲鬢低擁。羞眸斜睇。

行香子

述懷

宋 蘇軾

清夜無塵。月色如銀。酒斟時須滿十分。浮名浮利。休苦勞神。嘆隙中

駒石中火夢中身。雖抱文章開口誰親。且陶陶樂盡天真。幾時歸去。作箇閒人對一張琴。一壺酒。一溪雲。

題畫扇

劉過

佛寺雲邊茅舍山前。樹陰中酒旆低懸。蜂戀空翠。溪水清漣。只欠桃花。欠沙鳥。欠漁船。無限風煙。景趣天然。最宜他隱者盤旋。何人村墅。若箇林泉。恰似歛湖似方口。似斜川。

春思

明馬浩瀾

紅遍櫻桃綠暗芭蕉。鎖窗深春思無聊。雙飛燕。嬾百轉鶯嬌。正漏聲遲。簾影靜。篆香飄。惜月前宵。病酒今朝。有誰知。臂玉微銷。封題錦字。寄與蘭麝。恨樹重重雲渺渺。水迢迢。

登樓

本朝梁清標

霧斂高旻。樓敞無塵。捲殘霞。恰受斜曛。俯凭飛檻。遠眺城關。看花如

繡山如沐草如茵。綠窗窈窕碧樹繽紛。傍朱闌怪石嶙峋。奇書堪
把濁酒重斟。喜冬宜雪。秋宜月。夏宜雲。

獻衷心

秋怨

本朝
曹垂璨

聽誰家玉管吹落征鴻。香閣上暮煙籠。更小爐香細。月照簾櫳。三五
夜無限恨。酒盃中。銅漏永。晚粧慵。倚闌珠淚。滴芙蓉。想昔年歡會
水遠山重。鴛枕畔。曾夢見。覺來空。

風中柳

村居

宋
劉因

我本漁樵不是白駒空谷。對西山悠然自足。北牕疎竹。南牕叢菊。愛
村居數間茅屋。風煙草屨滿意。一川平綠。問前溪。今朝酒熟。幽泉
歌曲。清泉琴筑。欲歸來。故人留宿。

帶人嬌

晚浴

本朝
曹亮武

風送蟬嘶日移庭院。還自是晝長人倦。香泉幾斛。金盆傾轉。似雨後。
水面芙蓉新澣。小立花前。輕搖團扇。乍喜得清涼無汗。纖纖月下。
綠雲低綰。更領受一縷晚香如篆。